

Allannguutissatut siunnersuut

uunga

Uunga siunnersuut: Katersugaasiveqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq

Aappassaaniigassanngorlugu Naalakkersuisunit saqqummiunneqartoq.

Qulequttap nassuaataanut

1. Qulequttap nassuaataa imatut oqaasertaqassaaq:

”(Kalaallit Nunaata avannaarsuani kangianilu Nunamit allanngutsaaliukkamit annisisinnaanermut malittarisassat sukannererusut kiisalu Katersugaasiveqarneq pillugu ataatsimiititaliap katitigaanera, piffissaq atuuffissaa akilerneqartarneralu pillugit aalajangersakkat)”

§ 1-imut

2. § 1, nr. 7-imi, § 33, imm. 4, imatut oqaasertaqassaaq:

” Imm. 4. Kalaallit Nunaata avannaarsuani kangianilu Nunami Allanngutsaaliukkami nasaat kalaallinit suliarineqarsimasut, nasaat pisoqaassusaat apeqqutaatinnagit Nunatta Katersugaasiviata Allagaateqarfialu akuersitinnagu nunamiit anninneqassanngillat.”

§ 2-mut

3. § 2, imm. 1, imatut oqaasertaqassaaq:

”Inatsisartut inatsisaat manna ullormi 1. juli 2019-imi atuutilissaaq.”

Siunnersummut nassuaatit

Oqaaseqaatit nalinginnaasut

Kalaallit Nunaata avannaarsuani kangianilu Nunap Allanngutsaaliukkap UNESCO-p Man and Biosphere Programme niit ilaajunnaarsinnissaanik Naalakkersuisut aalajangersimanerat tunngavigalugu allannguutissatut siunnersuut saqqummiunneqarpoq. Biosfæreqarfip UNESCO-p Man and Biosphere Programme niit ilaajunnaarsinneratigut sumiiffik siunissami nunatut allanngutsaaliukkatut taamaallaat taaneqartalissaq taamaattumillu ”Kalaallit Nunaata Avannaarsuani Kangianilu Nuna Allanngutsaaliugaq” -tut taaguuserneqartariaqarpoq. Tamatumma nassatarisaanik siunnersummi qulequttap nassuaataa siunnersummilu § 1, nr. 7 allanngortinneqarnissaat pisariaqalerput.

Aammattaaq siunnersuutip aappassaaneerneqarnissaata pingajussaaneerneqarnissaatalu Inatsisartut 2018-imi ukiakkut ataatsimiinneranniat Inatsisartut 2019-imi upernaakkut ataatsimiinnissaannut kinguartinneqarnerata kingunerisaanik siunnersummi § 2-p atuutilerfissa allanngortinneqassasoq siunnersuutigineqarsimavoq taamaammallu siunnersuut kingusinnerusukkut aatsaat akuerineqarsinnaassalluni. Siunnersummi § 1, nr. 2-p aamma 3-p ullormi 1. januar 2020-mi atuutilernissaa pillugu § 2, imm. 2-mi aalajangersagaq allanngortinnagu attatiinnarneqarpoq, tamatuma katersugaasiveqarnermut ataatsimiitaliamut ilaasortanik toqqaanermi aalajangersakkat taakkua atuutilersussaanerisa tunngavilersuutaasimaneri pissutigalugit. Maannakkut ataatsimiitaliap atuuffia ullormi 31. december 2019-imi atorunnaassaaq.

Siunnersummi aalajangersakkanut ataasiakkaanut oqaaseqaatit

Nr. 1-imut

Qulequttamut nassuiaammi "Biosfæreqlarfik" siunnersuutikkut peerneqarpoq. Tamanna pillugu nalinginnaasumik nassuiaatit innersuussutigineqarput.

Nr. 2-mut

§ 33, imm. 4-mi allassimasuni "Biosfæreqlarfik" siunnersuutikkut peerneqarpoq. Tamanna pillugu nalinginnaasumik nassuiaatit innersuussutigineqarput.

Nr. 3-mut

Siunnersuutikkut Inatsisartut inatsisaata atuutilerfissaata 1. januar 2019-imiit 1. juli 2019-imut allanngortinneqarpoq. Tamanna pillugu nalinginnaasumik nassuiaatit innersuussutigineqarput.